

BASES DA COPA XXXVIII DEPUTACIÓN DE FÚTBOL (ANO 2022)

NORMAS XERAIS DA COPA DEPUTACIÓN DE FÚTBOL

PRIMEIRA: Da organización e desenvolvemento da Copa Deputación de fútbol 2022 será única responsable a Real Federación Galega de Fútbol.

De acordo ao exposto, as categorías e grupos de competición da Copa Deputación de Fútbol 2022 son os que se definen a continuación.

PREFERENTE AUTONÓMICA MASCULINA
PRIMEIRA AUTONÓMICA MASCULINA
SEGUNDA AUTONÓMICA MASCULINA
TERCEIRA AUTONÓMICA MASCULINA
LIGA GALEGA 1ª DIVISIÓN FEMININA
LIGA GALEGA 2ª DIVISIÓN FEMININA
PREBENXAMIN F-8
BENXAMÍN F-8
ALEVÍN F-8
INFANTIL
CADETE
XUVENIL
FÚTBOL VETERANO

SEGUNDA: Todos os equipos deberán ter cuberto o **ANEXO I (ficha de participación)** de **forma obrigatoria**. Do mesmo xeito, acompañando obrigatoriedade o ANEXO I, cumprira achegar **unha certificación de conta bancaria**, a nome do club ou entidade participante na competición. Na certificación deberá figurar o **nome do representante ou representantes**, do club ou entidade, como responsables autorizados da entidade participante. O certificado debe ser actual, e dicir, do ano 2022. Amen deberán presentar unha copia do **CIF do Club ou entidade**.

TERCEIRA: É a Real Federación Galega de Fútbol o organismo que determina o sistema de competición, que obrigatoriedade deberá trasladar aos clubs participantes.

CUARTA: De acordo ao indicado, establecece como sitúema de resolución en caso de empate ao final do respectivo encontro, o regulamentario lanzamento de penaltis, en todos os partidos, incluída a final.

QUINTA: A hora de comenzo de cada encontro fixarase de acordo aos criterios que no seu caso establezan a Federación e os equipos participantes. Non entanto, ambos os clubs de común acordo poderán variala, debendo comunicarllo a Federación Galega de Fútbol ou a súa delegación de Lugo, dentro do prazo establecido regulamentariamente para tal fin.

SEXTA: Ao ser esta unha competición oficial, todos/as os/as xogadores/as que interveñan, deberán estar regulamentariamente inscritos nos seus respectivos clubs e ter aboada a cota correspondente da Mutualidade de futbolistas españois.

SÉTIMA: Tanto no número de xogadores/as convocados, como no número de cambios a realizar en cada partido, estarase ao establecido pola respectiva Federación en cada unha das categorías.

OITAVA: Os/as árbitros desígnalos o Comité galego de árbitros, procurando que sexan os da máxima categoría. O pagamento do recibo correspondente corre a cargo do equipo local, agás na final, no que cada club participante asumirá o 50% do seu custo.

NOVENA: Nesta competición, NON se poderá cobrar entrada a ningunha persoa, sendo xa que logo, o acceso aos partidos libre para toda aquela persoa que desexa acudir a eles.

DECIMA: Das incidencias no desenvolvemento desta Competición, entende o Comité de Competición da Real Federación Galega de Fútbol.

UNDÉCIMA: Establecese que ao final do encontro, o Campión e Subcampión da Copa Exma. Deputación Provincial de Lugo, das categorías sinaladas no apartado primeiro, recibirán os trofeos correspondentes doados pola Deputación Provincial.

DUODÉCIMA: As distintas finais por categorías disputaranse na data e a hora que no seu caso se definan.

DÉCIMO TERCEIRA: A Deputación de Lugo concederá os respectivos premios económicos polos resultados deportivos logrados por cada un dos participantes en función dos partidos disputados, eliminatorias superadas e respectivas finais. Para a asignación de premios aplicarase o mecanismo de atribución de puntos previsto pola Federación Galega de Fútbol e que se determina no cadro anexo, establecendo un valor en euros de cada punto de cinco (5 €) euros. Dada a situación de emerxencia sanitaria e a vista das circunstancias que no seu caso se poidan producir, os partidos que non se puideran celebrar, quedarán definitivamente anulados e non procederá ningunha asignación de puntos a ningún dos 2 clubs participantes no respectivo partido.

Dadas as previsións contidas nas presentes bases, o número máximo de puntos (bolsa máxima de puntos) será de 20.400 puntos (vinte mil catrocentos puntos).

A referida bolsa correspóndese expresamente co número máximo de puntos a asignar segundo o número máximo de partidos (eliminatorias) a disputar na presente competición de acordo ao respectivo calendario federativo e ao cadro anexo de asignación de puntos. Por tanto, en ningún caso se poderá realizar unha atribución de puntos que supere a bolsa máxima establecida.

En consecuencia, non se poderá dividir ou ratear o respectivo número de puntos previstos por cada partido (eliminatoria) ou final de acordo ao cadro anexo.

Así mesmo, en ningún caso se poderá dividir ou ratear o valor en euros de cada punto, determinado en cinco (5 €) euros por punto asignado.

DECIMO CUARTA: A Real Federación Galega de Fútbol deberá remitir a Deputación de Lugo, unha vez finalizado o torneo, no prazo de 5 días hábiles e sempre antes do 1 de setembro de 2022, a seguinte documentación:

-Certificación federativa do cadro de puntuación definitiva de cada club deportivo de acordo aos resultados deportivos da competición. A certificación deberá reflectir a atribución definitiva de sumatorio de puntos de cada un dos equipos participantes, distribuídos por categorías, e indicando o importe do premio que lle corresponderá a cada entidade, en aplicación das previsións determinadas nestas bases e no cadro anexo previsto pola Federación Galega de Fútbol.

-Memoria asinada da competición na que se reflecta a relación de participantes, cos datos e resultados en cada unha das categorías, con indicación expresa de local e visitante en cada un dos partidos e eliminatorias.

- A documentación relacionada na base segunda de todos e cada un dos clubs participantes.

A non presentación da referida documentación implicará a imposibilidade de realización do pagamento dos premios.

DECIMO QUINTA: A Federación Galega de Fútbol, como entidade organizadora da competición asume a responsabilidade das normas establecidas nas presentes bases. Estas normas publicaranse na web da Deputación de Lugo.

CADRO DE ASIGNACIÓN DE PUNTOS

	Puntos-premio por participación. Por cada eliminatoria xogada como visitante (agás a final)	Puntos-premio por participación. Por cada eliminatoria xogada como local (agás a final)	Puntos-premio finalista
PREFERENTE AUTONÓMICA MASCULINA PRIMEIRA AUTONÓMICA MASCULINA	90 puntos	120 puntos	1º Clasificado: 1.000 puntos 2º Clasificado: 800 puntos
SEGUNDA AUTONÓMICA MASCULINA TERCEIRA AUTONÓMICA MASCULINA	77 puntos	90 puntos	1º Clasificado: 800 puntos 2º Clasificado: 600 puntos
LIGA GALEGA 1ª DIVISIÓN FEMININA LIGA GALEGA 2ª DIVISIÓN FEMININA	77 puntos	90 puntos	1º Clasificado: 800 puntos 2º Clasificado: 600 puntos

	Puntos-premio por participación. Por cada eliminatoria xogada como visitante (agás a final)	Puntos-premio por participación. Por cada eliminatoria xogada como local (agás a final)	Puntos-premio finalistas
PRE-BENXAMÍN F-8	Non se asignan puntos por participación	3 puntos	Ambos os dous equipos 3 puntos
BENXAMÍN F-8	Non se asignan puntos por participación	3 puntos	Ambos os dous equipos 3 puntos
ALEVÍN F-8	Non se asignan puntos por participación	3 puntos	Ambos os dous equipos 3 puntos
INFANTIL	Non se asignan puntos por participación	6 puntos	Ambos os dous equipos 6 puntos
CADETE	Non se asignan puntos por participación	8 puntos	Ambos os dous equipos 8 puntos
XUVENIL	Non se asignan puntos por participación	10 puntos	Ambos os dous equipos 10 puntos
VETERANO	Non se asignan puntos por participación	11 puntos	Ambos os dous equipos 11 puntos

* Para facer máis dinámica a Copa Deputación de fútbol 2022, o sistema de competición será a **partido único** (final incluída).